

官版見本

官板

扶桑略記

卷二十八

政事第十二冊

一五	二四	一五六八	和書門
冊	架	函號	類

二七〇	一五	一五六八	和書
函架	冊	號	類

內閣文庫	
番號	和 15168
冊數	15 (12)
函號	270 123




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





扶桑略記第廿八

後一條院

卷首

下馬敬屈連枝上卿次第相列不整華麗候其松容

自餘陪從皆是濟輩濟々馬難可具記矣殿下先進

牛傍殊致信敬口陳懇念心發弘願手自采草試寄

其口牛即銜草快以受用動身而相敬抗首而涕泣

舌雖不堪相語意猶應知其思因善根之已熟值迦

葉之再現知尋過去之芳契口又締當來之勝緣也

相續臨此堂閣請于佛前禮拜恭敬尊重讚歎遠觀

之物既有其色不能具記上己 十二月二日供養法

淺草文庫

成寺内西北院

治安二年壬戌二月十九日被奉勅使於石清水宮

告宇佐宮燒亡事道長七月十四日入道大相國供養

法成寺金堂其記言方今帝王儲皇之祖雖貴若不

勤其奈菩提何三后二府之父雖嚴若不懺其奈罪

業何建立道場號法成寺瓦葺金堂草創已成其内

安置三丈二尺金色大日如來一々蓮華葉上百躰

釈迦又金色二丈釈迦如來同藥師如來文珠師利

菩薩弥勒菩薩相好圓滿左右圍繞彩色九尺梵天

帝釈及四大天王為住持佛法鎮護國家也又五大

堂同以造立安置彩色二丈不動尊一丈六尺四大

尊為降家門成怨之怨靈為專弟子臨終之正念也

亦奉寫金字妙法蓮華經一部黑字同經百五十部

囑請百五十口之僧侶施與百五十具之法衣是日

天皇行幸春宮三后同以行啓賞司天下大赦十

月十三日太皇太后彰子供養仁和寺内觀音院燒亡後

重造

治安三年癸亥正月二日行幸太皇太后朝覲也皇

太弟同行啓道長七月十日入道大相國於法成寺被

始修三十講十月十三日癸酉於上東門院設法

會賀從一位源朝臣倫子六十筭 同十七日丁丑
入道前大相國請紀伊國金剛峰寺則是弘法大師
廟堂也路次拜見七大寺並所々名寺相從人等內
相府並民部卿中宮權大夫修理權大夫長經朝臣
俊賢
前備後守能通前肥後守公則散位隆佐左衛門大
尉宗相散位範基兵部大丞源致佐右衛門權少尉
真重同高平前權少僧都心譽前權少僧都永圓權
少僧都定基權少僧都永照三會已講教圓等都十
六人緇素並轡共以前驅已時御宇治殿膳所供御
膳次留宿東大寺十八日早且奉禮大佛又寺內東

去五六許町山上有堂謂之銀堂々中安銀丈六盧
舍那佛像蓋以之為堂号也破損殊甚銀像過半為
賊穿取衆人私相語云此佛非無鎖籠之構此堂非
無守護之司頻入偷兒之手如無鎖固或以彈指或
以流涕仍名仰威儀師鴻助云此佛此堂尤可哀愍且
令甚申材木等支度至于新物隨申請可宛給又示
陪從人々之知識各可加銀一兩之由被定仰了則
召御餌囊銀鏡一器且預鴻助已了巡礼之後於大
門下御馬一疋被投僧正次拜興福寺北南圓堂矣
角小門扉自開諸僧驚之此門開時謂之物怪次御

元興寺次御大安寺次未時御法蓮寺字名覽給下寺八相次御山田寺已以入夜前常陸以維時參來大僧都扶公威儀師仁滿等辦備飯膳十九日覽堂塔堂中以奇偉莊嚴言語云默心眼不及御馬一足給權大僧都扶公次御本元興寺閱寶倉令覽中有此和子字一陰毛宛如漫不知其尺寸鐘堂鬼頭忽難撰出依物多事忙也次御福寺披覽寶物覽物已少所遺猶多是依日暮途遠也今日所恨不求得天雨曼陀羅花太子講勝鬘經時所雨之瑞也次漸向晚頭次竜門寺于時仙洞雲深峽天日暮青苔巖尖曝布泉飛見其勝絕殆欲忘歸礼

佛之後留宿上房霜鏡之聲屢驚露枕之夢難結昔宇多法皇詠卅一字於仙室今禪定相国挑五千燈於佛臺以今思古隨喜猶同前岫下有方丈之室謂之仙房大伴安曇兩仙處各有其碑菅丞相都良香之真跡書于兩扉如白玉之盈匣似紅錦之在機各詠妙句徘徊難去前總州刺史孝標者菅家末葉也雖為折桂之身敢非滄花之才誤以假手之文忝書神筆之上惡其無心消以壁粉其外儒胤成業之者又並拙草衆人嘲之二十一日於吉野川之末御船漸掉迅瀨遠過奇巖午時御高野政所申尅許指山中假屋御宿

登御前例雖騎馬此時用藁履僧侶俗徒皆以追從
 二十二日內相府以下拂晨侵雨共追御步申尅御
 金剛峯寺晚頭給住僧卅口法服此明日法會請僧
 也緋袈裟一條手作衣一領綿袖廿三日癸未拂曉
 請廟堂去大寺五十許町也於是山窟雲曙漢天雨晴供養法
 華經一部般若理趣經卅卷權少僧都心譽屬講師
 今案事情弘法大師者密教之祖師智證大師之外
 舅也今講師者智證之門徒兼長顯密所囑有故
 演說之詞傳富留那顯密之道疑關霧開僧正被申
 云大師入定之後漸欲二百年廟堂之戶殊不開闔
 而先季有石山僧淳祐者安住一念斯以百日午時

廟堂之戶無人少開禪下深信此語觀念之中廟戶
 粹立自以仆之隆家滿座之眼忽以驚之瑞相之感於此
 現之此間左衛門督追以參上申時歸御大寺中使
 藏人右馬權助源資通來傳天書廿四日辰時指政
 所御宿於山中假屋聊供御膳未刻降雨雖催御步
 嶮途猶遙此間炬火之者偶以奉逐丑刻就御宿東
 官並三后御使參來廿五日御大僧正房有引出物
 申刻留宿前常陸以維時之宅簾帷加飭盃盤盡珍
 廿六日召維時給御馬御法隆寺先覽東院是聖德
 太子夢殿也覽種々寶物有御歌云王乃御名乎者

聞土麻多毛三奴夢殿麻天仁伊賀手木津覽雖有
 古今之秀歌不可出其右廿七日前權少僧都心譽
 同永圓請暇入京以智證大師遠息近也指河内国
 進發之間龜瀨山之嵐紅葉影脆竜田川之浪白花
 聲寒爰於山中假鋪草座聊供菓子燒紅葉煖佳酒
 蓋避寒風也昏黑御河内国道明寺国司為職裝束
 食堂帷帳之飭壯麗云盡朝夕之儲敢不忽諸諸陪
 從南廬太以過分廿八日入攝津国午時御四天王
 寺於別當權少僧都定基房供御膳覽佛舍利畢次
 於国府大渡下乘御船廿九日風静波平過田篔嶋

雲海茫茫沙渚眇々未時指江口御之間遊行之女
 船泛來歌曲參差為憐其銜賣之意仰讚刈米百石
 給之卅日申刻於山崎岸邊下於御船御關外院々
 預前肥後守公則在嚴寢内掃除庭中飯之備盡善
 盡美別供之御鉢具螺鈿蘇芳懸盤九九脚同色織
 物打敷御鉢御器花足等皆以
銀作過差之事雖不可然依業已成不從厭却十一
 月一日丑刻入御京花於桂河邊夜漸曙矣宿霧滿
 野嚴霜濕衣更經七条河原路入御法成寺御堂也
 修理權大夫源長經依勅命記之多々略抄四十四
 日月蝕皆既

萬壽元年
治安四年甲子三月十七日戌刻地震十八日卯刻
又震 廿二日法成寺僧房六十餘燒亡 四月廿
一日天台舍利會試樂於祇陀林寺行之先是座主
僧正慶命奉遷佛舍利三塔於此寺 六月廿六日
入道大相國供養法成寺內藥師堂結構十五間之
梵宇奉安置金色一丈六尺藥師佛像七躰金色丈
六觀世音菩薩像六躰金色一丈日光月光菩薩像
各一躰並彩色八尺十二神將等像設廣大之齋會
展供養之法筵七比丘之聖衆懃儀式於薜蘿之襟
百餘口之羅漢序夏鴈於雲霞之跡彼優陀延大王

之摸尊像纔刻七尺之梅檀給孤獨長者之起道場
唯迎一佛之相好倩憶弟子之所令頗起印土之薰
修者乎佛則丈六尊像皆瑩數躰於黃金寺則衆寶
莊嚴或移十方之淨土為七道諸國之除災顯七佛
醫王為六道衆生之拔苦造六觀世音也上巳七月
十三日改為萬壽元年依甲子忌也上巳九月十九日
甲辰行幸賀陽院有競馬事 廿一日太皇太后入
御大內此日關白猶子右近中將源師房叙從三位
萬壽二年乙丑八月三日壬子皇太子之妃尚侍藤
原嬉子於太皇太后宮誕生男子後冷泉是也 五

日尚侍嬉子薨年十九歲太政大臣道長朝臣四女也。同年自夏及秋季有赤疱瘡皇后藤原娥子崩年。□□大納言藤原朝臣濟時女三條天皇之后也。萬壽三年丙寅正月十九日太皇太后落華簪為尼彰子法名清淨覺号上東門院。年官年爵封戶別賜年分受領。四月十六日薄食。五月廿九日大僧都心譽給封七十戶。聖主御藥之間依加持驗抽賞其功。十月朔日食。萬壽四年丁卯正月三日行幸上東門京極院。即日自待賢門南大路延及三條大路燒亡積善寺等因。

火于時自法興院煙火中最勝王經一部十卷觀音經一卷遙飛落於清水寺。滴上同寺權別當僧親慶見此飛物尋求落處探得件經一帙悲喜披見端少燒失所々修補納置寶藏矣。三月一日沙門延鏡供養近江國志賀郡世喜寺奉安置舊造五大弥勒菩薩像一躰。五月廿四日大雨雷電豐樂院觀德堂之柱為霹靂折焉。八月廿二日入道大相國供養法成寺内釈迦堂十三間堂一字中奉安置金色丈六釈迦如来像一躰左右別六尺梵天帝釈四天王像其傍亦別同如来十大弟子八部衆形像各

一躰堂之東南各饒四間奉置金色等身釈迦尊像
百躰依信心之誠自潔毘首之功猶勝焉別奉置金
泥妙法蓮花經一部十卷黑字同經百部千軸也便
闕平座之儀就囑請五十口之僧侶供養演說上已
九月十四日皇太后藤原妍子崩年卅四十一月十
三日大赦天下廿六日壬戌天皇行幸法成寺依
入道大相國病也即以封戶五百烟施入寺家御誦
經物絹二百疋調布千段宜以散位藤原庶政朝臣
任美濃守頼明死闕之替也中以右衛門志豐原為長
補檢非違使但檢非違使雖無其闕共有造塔之功

殊被抽賞也又供養南北兩京高僧一万口長元十二

月四日入道大相國道長薨六十同日大納言行成薨

長元萬壽五年戊辰七月廿五日改為長元乃年前上總

又平忠常有乱逆事仍八月遣追討使右衛門少尉

平直方少志中原成通等九月十二日月蝕

長元二年己巳七月廿三日前太宰大貳藤原惟憲

卿貢白鹿天覽以後放神泉苑八月十二日權僧

正心譽逝去年五十九右大臣藤原朝臣顯忠孫右

衛門佐重輔男也十月十七日太政大臣藤原朝

臣公季薨年七十三謚号仁義公贈正一位世号閑

院太政大臣是也
 長元三年庚午八月廿一日上東門院供養東北院
 願文曰弟子忝号帝王之母儀十善之宿因雖貴借
 觀婦女之身業五障之餘罪有慙馱長樂兮慕常樂
 之境拋綺羅而著尸羅之衣玄雲春色非不儼當眼
 者西嶺赤日之晚暉椒房秋風非不芳染心者上品
 蓮臺之曉露日茲聊捨信心之淨財將構方丈之梵
 宇鳳城東面鴨水西頭有一伽藍則是我先考道長所建
 立也古今未有如斯道場祇陀園之備一百餘院无
 比丈六數十之金容興寧坊之習清歌妙舞豈集一

切諸經之玉軸斯中弟子建立常行堂一宇奉造金
 色阿弥陀如来像觀音勢至地藏龍樹菩薩像等各
 一軀奉書寫妙法蓮花經百部又置十二口之神像
 修滅罪生善之行法始自今日期未來際上已十月
 廿九日關白賴通大臣供養法成寺之塔儀式御齋會
 長元四年辛未四月卅日夜東三條院燒亡六月
 十六日甲斐守源賴信梟於平忠常首參洛前追討
 使平直方不遂其功空以飯洛源賴信下向任所之
 日可討忠常之由有勅仍欲襲征間忠常請降伏來
 賴信隨身參上之處於美濃国山縣即忠常受病死

去仍只斬其頭傳于京師依為降之虜返給其首於
從類 九月廿五日上東門院參石清水住吉兩社
十月廿日關白左大臣賴通供養興福寺之塔寺司
有賞 十二月三日京極院燒亡
長元五年壬申九月廿七日出雲守橘俊孝配流佐
渡國可造寶殿虛誕詭宣奏聞公家依事無實勘罪
名所配也 十二月八日九條御廐有火餘焰延及
法住寺為灰燼
長元六年癸酉十一月廿九日於關白左大臣高陽
院賀母氏從一位源倫子七十筭有童舞翌日天皇

召覽童舞於禁省件童等三人被聽昇殿 十二月
藏人式部少丞藤原經衡於殿上前無指由緒引落
左近少將藤原資房仍經衡被削籍了其替文章生
橘義清補藏人畢

長元七年甲戌五月九日近江国獻白鳥 六月關
白左大臣登比叡山行舍利會 八月九日大風宮
城殿門京師舍屋大半顛倒時人比之永祚^{一條}大風
九月廿三日關白左大臣供養一切經 十月十七
日供養圓教寺御願堂奉造丈六金色大日如來藥
師釈迦佛像各一軀彩色六天像各一軀 同月殊

勅神寶奉伊勢太神宮使祭主神祇伯大中臣輔親
朝臣歸參獻碧珠一顆於神宮奉仕御祈之間自然
在寶殿前木十一月五日奉幣大神宮行幸八省
院此日祭主輔親朝臣叙從三位獻瑞珠之勸賞也
長元八年乙亥正月二日行幸上東門院 三月廿
三日大納言兼民部卿藤原朝臣齊信无病頓死
廿五日上東門院有銀三尺釈迦佛供養事 五月
十六日左大臣頼通於高陽院第有歌合事以祭主輔親
卿為判者 九月十一日夜寅時有流星變 廿日
大赦天下依天變也 十二月但馬国八幡別宮司

與国司有鬪爭之愁遣右少史高橋文俊推問其事
長元九年丙子正月二日於玄暉門下截人頭左近
中將藤原俊家令隨身男打截人頭左中弁藤原經
輔仍三日削除俊家朝臣殿上籍了 三月中旬以
後天皇不豫 四月二日前大僧正深覺聽牛車有
言依御藥也 六日左近中將藤原俊家復截人頭
十六日不論輕重原免未著馱囚人 十七日乙丑
亥時天皇春秋廿九於清涼殿崩五月十九日葬神
樂岳東邊今菩提樹寬仁元年如來滅後一千九百
六十六年

後朱雀天皇

七十代 王子男二人

諱敦良

治九年

女五人

二人即位

一條天皇三男母攝政太政大臣道長女太皇太后

彰子長元九年丙子四月十七日受讓年廿八歲同

廿二日中納言源顯基依先帝御愁忽發菩提心於

大原出家入道尊卑為之落淚矣年卅七也大納言

俊賢嫡子也六月廿六日新帝行幸建禮門告可即

位之狀七月十四日丙戌即位大極殿九月六日

中宮藤原威子崩年卅八依皀瘡患也前太政大臣

道長三女母左大臣源雅信女從一位倫子也世謂

之大中宮十月廿九日癸酉天皇東河御禊十

一月十七日大嘗會近江丹波供奉其事廿八日

良子女王為齋宮娟子女王為齋院

長曆元長元十年丁丑正月七日甲辰關白左大臣藤原朝

臣賴通取式部卿敦康親王女嬬子女王為養子令

參丙母中務卿具平親王女也二月十三日禎子

內親王立為皇后三條天皇女御母前皇太子宫妍

子也三月一日女御藤原源子立中宮攝津國獻

銅金師子堀出也四月廿一日改為長曆元年

閏四月八日但馬守源則理與八幡別宮司有鬪爭

事公卿僉議之間雷鳴雹降五月十五日依安樂

寺愁狀遣推問使於大宰府左衛門權佐藤原隆佐等進發廿日前但馬守源則理配土佐國刑部大輔相奉配流伊豆國散位成流佐渡國充坐夏者七人也 六月二日上東門院被供養菩提樹院 七月二日壬寅親仁親王於內裡元服 八月三日奉幣七社奉獻攝津國貢銅上分 十七日以親仁親王立皇太子年十三歲天皇太子母關白太政大臣道長四女尚侍嬉子也 九月三日夜子時有流星變 十一月太神宮奉封戶百烟 十二月九日流人則理等呂返依有恩赦也 十三日章子內親王

入東宮

長曆二年戊寅正月九日皇太子遷御凝花舍 二月十五日壬午月蝕皆既 十九日中納言大宰帥藤原實成依安樂寺愁狀停任並解中納言職 大政大臣公季朝臣息也世言關院帥是也 典藥允源致親配流隱岐國依同愁也 六月十五日奉遣佛舍利於諸社 九月十一日齋宮群行 長曆三年己卯二月十八日慈覺門徒為座主愁僧綱有職並山上老少滿山僧徒三千餘人集會祇陀林寺自其引率參向關白左相府高倉第然閉門不

通仍僧徒於其門下成盪吹事加制止間僧兩三輩
 中矢走反其中惡僧為首定清世号出雲少院搦大僧都教
 圓為質同車向西坂下爰出雲少院於隨願寺免怒
 僧都教圓公家即遣檢非違使追捕定清下獄考訊
 之處有陳申事仍三月九日大僧都賴壽少僧都良
 圓阿闍利充慶等召仰法家被勘罪名十二日以
 大僧都教圓為天台座主十六日寅刻高陽院燒
 亡放火云々嫌疑入叡山專當能法師遁避山林因
 茲被尋求諸國遂以捕得禁囚獄中云々四月六
 日丙寅有伊勢太神託宣世秘之故人以無知卅

日祭主大中臣佐國配流伊豆國是則依有神夏違
 例之託宣令甚罪名解却見任所被行也五月七
 日上東門院令剃御髮重受戒大僧正明尊為戒師
 六月廿三日神祇大輔大中臣兼興為祭主解却佐
 國之替也廿七日丙戌夕時內裡燒亡天皇幸移
 朝所東宮遷御大膳職廿八日青宮自大膳職遷
 上東門院七月十三日行幸上東門院十九日
 召返流人前祭主佐國依託宣也自廿三日天皇不
 豫廿六日乙卯大赦天下前中納言藤原實成等
 復本位八月七日祭主大中臣兼興任若狹守依

託宣停祭主也。十四日望月食。十九日中宮嬬子誕生女王。廿八日中宮崩年廿四也。閏十二月廿一日內大臣藤原朝臣教通息女生子始入內裡。
長久元長曆四年庚辰正月朔日食。廿七日行幸東北院。先是母儀仙院御於此院為朝覲也。大僧正明尊前大僧正永圓共賜封七十五戶。大僧都教圓叙法印。皆是寺司賞也。五月以後頓死者多。九月八日寅時大地震。十日子刻京極院燒亡。主上先遷御法成寺東北院。即行幸母儀仙院御在所。故前大貳

惟憲卿陽明門第。廿七日依豐受宮寶殿倒事。令參議藤原良賴卿參向伊勢太神宮焉。十月廿日關白左大臣藤原朝臣賴通之家室從二位源氏隆姬供養三井寺常行堂奉造金色丈六阿彌陀如來像一。躰等身六觀音像各一。躰奉書寫金泥妙法蓮華經一部。敬擇曜宿。閑講供養矣。佛則十号之尊。月愛之珠爛燈經亦一。乘之教露點之文。鮮妍林葉代播蓋也。空張錦繡之文。籬菊供色香也。已迷布金之地。莊嚴微妙不能盡矣。上已廿二日天皇遷幸內大臣藤原朝臣教通之二條第。同日祐子內親王著袴。准三

后賜年官年爵矣十一月一日壬子夜地大震
十日辛酉改長曆四年為長久元年十二月廿五
日行幸平野社教通實資左右大將有障不參
長久二年辛巳正月一日入道前大納言公任薨年
七十六先是出家多年住解脫寺念佛前關白太政
大臣藤原朝臣賴忠嫡子也二日皇太子朝覲天
皇二月廿日入道兵部卿致平親王薨年九十一
村上帝三男也廿一日行幸北野三月四日有
花宴召擬文章生賜勅題歌舌不如鷓鴣七言四韻七
日召諸儒於陳頭令評定及第者十二人也五月

十一日有三井寺申請戒壇之定十四日三井寺
戒壇立否事可問諸宗被下宣旨其後諸宗各獻甚
文七月廿日丑刻地震法成寺鐘樓顛倒八月
三日行幸大原野十六日前春宮坊小一條院敦
明親王出家入道廿七日行幸松尾九月十三
日大安寺燒亡十月十日權左中弁兼大和守藤
原義忠入部之間陷沒吉野河十九日贈參議從三
位依侍讀勞也十一月九日甲寅大赦天下依天
變也十二月十五日於內裡以百僧三箇日修御
讀經十九日甲午主上車駕移幸新造內裡皇太

子親仁親王扈從家主內大臣藤原朝臣教通牽貢
 細馬十疋權中納言信家叙正二位右近中将信長
 叙從三位女御生子叙正二位家室禊子內親王叙
 二品家司師成登任各皆加階矣是日自攝津國始
 獻紺青
 長久三年壬午三月十日子時三井寺圓滿院為寺
 大衆燒亡廿六日己巳春宮大夫藤原朝臣賴宗
 卿息女延子始入內裡五月十四日丙辰於陣掖
 有御卜事依東大寺大佛自然濕之怪異也廿七
 日於關白左大臣高陽院第有競馬事六月朔日

食依雨不正現七月停相撲節依上東門院御惱
 也九月廿一日辛酉行幸高陽院由競馬事十月
 月二日夜左近少將源定季於堀河宅門下為敵被
 討殺畢九日藤原延子為女御焉十二月八日
 丑時內裡燒亡火起右近衛陣北天皇儲貳遷御太
 政官朝所
 長久四年癸未牛產兩頭犢仍有御卜三月廿三
 日庚寅主上春宮移御一條院五月一日有日食
 天下旱魃八日令僧正仁海於神泉苑修請雨經
 法十三日午後雨下十五日仁海聽輦車八


月十四日太宰帥中納言藤原重尹勅停務依管國之愁也 九月九日召文章生大江佐國惟宗孝言源時綱學生藤原國綱於弓場殿給勅題試禮儀為品七言十韻是則進士申秀才學生申給新仍有此試 十二日前大僧正深覺入滅年八十九前右大臣藤原朝臣師輔十一子也 十二月一日丑刻一條院燒亡帝王遷御關白左大臣高陽院 廿一日主上遷幸東三條 寬德元 長久五年甲申自正月始至六月季疾疫殊盛死骸滿路 三月廿三日阿古也聖勸進貴賤男女令書

寫法花經六万九千三百八十四部奉運上叡山 四月廿七日右近大將大納言藤原朝臣通房薨逝年廿關白左大臣賴通朝臣嫡子也 五月八日大赦天下依關白左大臣不例也 廿日前大僧正永圓遷化年六十五入道兵部卿致平親王第二子也 母左大臣源雅信朝臣女也 廿五日帝不豫御藥經日彌重 六月三日癸巳京中人宅皆閉門慎忌依謠言也 八月七日丙申前大隅守中原長國任但馬次民部少丞藤原生行任掾為令存問太宋國高客張守隆漂著彼國岸也而國司源朝臣章任不

經案內先以存問仍停務不赴任所十日夜盜人
 開松尾社寶殿掠取御裝束仍有御卜廿七日丙
 辰有廿二社奉幣夏祈旱疫也今度加日吉社同十
 月九日天下大赦依院御惱也此日延曆寺文殊樓
 初置阿闍梨四人十六日行幸上東門院依院御
 惱也廿七日公家被行万僧供由院御惱也自
 十二月廿日天皇不豫同月廿四日改為寬德元
 年廿日關白去大御所並降百餘千也正月八日大
 寬德二年乙酉正月五日無叙位十日大赦天下
 依御藥也此日東宮參觀八十六日癸酉天皇讓位

於皇太子親仁親王同日第二皇子尊仁親王立皇
 太子年十二歲十八日太上天皇春秋卅七於東三
 條第崩二月廿一日戊申葬高隆寺乾原置御骨圓
 教寺

扶桑略記第廿八



官版見本

一日近中華高朝寺遠魚置所置國
十八日太上天皇春好御
同日第二皇太子

安政元年

言

